

四庫全書

子部

欽定四庫全書

子部

世醫得效方卷七

詳校官太醫院恩糧臣孔毓秀

編修臣倉聖脈覆勘

總校官降調編修臣倉聖脈

校對官待詔臣胡士震

謄錄監生臣羅善慶

欽定四庫全書

世醫得效方卷七

元 危亦林 撰

大方脈雜醫科

瘡渴

肺瘡澄源丹治氣實血虛熱在上焦心煩燥渴引飲無度小便數晝夜一二十行有麤片形者此疾多得之飲啖炙博日就羸瘦咽喎唇口焦燥吸吸少氣不能多語

兩脚痠食倍於常不為氣力

牡礪粉

苦參

蜜陀僧

知母

水銀

以白蠟半錢結

栝樓根

一兩

黃丹

一兩與水銀沙同研

右為末男子用雌猪肚一箇女人用雄猪肚一箇入

藥在內以線縫定用繩縛在新磚上別用生栝樓半

斤切碎同煮早晨至午時取藥出不用栝樓根只爛

研猪肚和藥為圓如梧桐子大每服三十粒食前米

湯下日三服十日可去病根

真味圓治心虛煩悶或外傷暑熱內積愁煩酣飲過多
致煩渴口乾舌燥引飲無度小便或利或不利

知母

一兩一分

川連

一兩一分

苦參

玄參

各一兩

鐵屑粉

一兩一分

牡礪

一兩一分

朱砂

另研二兩

麥門冬

去心

天花粉

各半兩

金箔

銀箔

二百片

白扁豆

煮去皮一兩

右為末煉蜜入生栝樓根汁少許圓如梧子大用金

銀箔為衣每服二十圓至三十圓先用栝樓根汁下

一服次用麥門冬熟水下病退日二服忌灸燂酒色
次投茯苓圓補之

茯苓圓

茯苓

酒浸

磁石

煨碎

熟地黄

洗

山茱萸

去核

黃耆

去蘆鹽湯浸

澤瀉

鹿茸

去毛切醋炙

遠志

去心姜汁炒

石斛

覆盆子

五味子

去梗

草薢

破故紙

炒

巴戟

酒浸

兔絲子

酒浸

龍骨

杜仲

去皮剉姜汁拌炒斷絲各半兩

附子

炮去皮臍一箇重八錢

右為末煉蜜圓梧桐子大每服五十圓空腹米飲下
生地黄膏治渴證通用

生地黄

揀如常碗
大一把

冬蜜

一碗

人參

半兩

白茯苓

去皮
一兩

右將地黄洗切研細以新水一碗調開同蜜煎至半
次入參苓末拌和磁器密收匙挑服

脾病之證飲食入腹如湯澆雪隨小便而出落於溷僻
溝渠中皆旋結如白脂肌膚日益消瘦用熱藥則熱愈

甚用涼藥則愈見虛羸不能起止精神恍惚口舌焦乾
或陽強興盛不交而泄其斃不久無治法姑錄一二方
聊為備用

薑粉散治消中多因外傷痺熱內積憂思喜啖鹹食及
麵致脾胃乾燥飲食倍常不為肌膚大便反堅小便無
度

生薑

研汁

輕粉

右搜勻每服二錢匕長流水調下齒浮是效次投附

子猪肚圓補

附子猪肚圓

附子

炮去皮臍

檳榔

焙各一兩

鱉甲

醋煮七錢半

當歸

知母

木香

川棟子

去核

秦艽

去苗土炒

大黃

酒蒸

龍膽草

白芍藥

破故紙

酒浸炒

枳殼

麩炒去穰各半兩

右為末分作三分將二分入猪肚內縫定用蜜酒三升童子小便五升同入砂鉢內熬乾爛研細入一分

末同搜搗為圓梧桐子大每服五十圓溫酒米湯任

下

白朮散治消中消穀善饑

人參

去蘆

白朮

去蘆

白茯苓

甘草

炙

藿香葉

去土
各一兩

白乾葛

二兩

木香

半兩

加北五味

去梗

柴胡

去毛

枳殼

去穰
各半兩

右剉散每服三錢新水煎去滓不拘時候

茯苓圓治消中煩熱消穀小便數

人參

去蘆

茯神

去木

生乾地黃

去土

黃連

淨

麥門冬

去心

枳殼

去穰

牡礪粉

各一兩

蓮肉

去心

黃耆

去蘆

知母

去毛各半兩

瓜根

七錢半

右為末煉蜜和搗三伯杵圓如梧桐子大每服五十

圓清粥飲下

腎痛加減八味圓治腎水枯竭不能上潤心火上炎不能既濟煎熬而生心煩燥渴小便頻數白濁陰痿弱飲食不多肌膚漸漸如削或腿腫脚先瘦小宜降心火生

腎水其煩渴頓止

熟地黄

大者洗焙乾切片酒蒸七次焙乾秤二兩

真山藥

微炒

山茱萸

去核取肉焙乾秤一兩

肉桂

去麤皮不見火取末半兩

澤瀉

水洗切酒間蒸七次

牡丹皮

去骨

白茯苓

去皮為末飛取沉者各八錢

真北五味

畧炒別為末兩半

右為末煉蜜圓梧桐子大五更初未言語時溫酒鹽湯下三五十圓午前及晚間空腹再服此方用真北五味子最為得力服此不惟止渴亦免生癰疽久服

永除渴疾氣血加壯

天王補心丹寧心保神益血固精壯力強志令人不忘

清三焦化痰涎祛煩熱除驚悸療咽乾口燥育養心氣

熟地黄

洗

人參

去蘆

白茯苓

去皮

遠志

去心

石菖蒲

去毛

黑參

柏子仁

桔梗

去蘆

天門冬

去心

丹參

洗

酸棗仁

去骨

甘草

炙

麥門冬

去心

百部

洗

杜仲

薑汁炒斷絲

茯神

去木

當歸

去尾

五味子

去枝梗各等分

右為末煉蜜圓每一兩作十圓金箔為衣每服一圓
燈心棗湯化下食後臨卧服作梧子大圓吞服亦可

鹿茸圓治失志傷腎虛消渴小便無度

鹿茸

去毛切酒浸
炙七錢

麥門冬

去心
二兩熟地黄
洗淨

黃耆

去蘆

雞肫脰

麩炒

蓰蓉

酒浸

山茱萸

去核
取肉

破故紙

炒

川牛膝

去蘆
酒浸

五味子

各三分

白茯苓

去皮

地骨皮

去骨
各半兩

人參

去蘆
三分

右為末蜜圓如梧子大每服三十圓至五十圓米湯下

雙補圓治腎虛水涸燥渴勞倦

鹿角膠

二兩

沉香

半兩
不見火

澤瀉

截塊酒
蒸半兩

覆盆子

白茯苓

去皮

人參

去蘆

宣木瓜

薏苡仁

炒

黃耆

炙

熟地黃

洗酒
蒸

茯苓

酒浸
焙

兔絲子

酒浸
蒸焙

五味子

石斛

炒

當歸

去尾酒浸
焙各一兩

生麝

一錢
別研

右為末煉蜜圓梧桐子大朱砂為衣每服五十圓空

心棗湯送下

丹石毒爪萋散治盛壯之時不自謹惜恣情縱慾年長
腎氣虛弱惟不能房多服丹石真氣既盡石氣孤立唇
口乾焦精液自洩小便赤黃大便乾實小便晝夜百十
行須當除熱補虛

白茯苓

去皮

天花粉

宣連

白扁豆

人參

去蘆

石膏

甘草節

寒水石

白朮

去蘆

猪苓

各等分

右為末每服二錢熱湯調服立效

石膏薺芩湯治強中多因耽嗜色慾及快意飲食或服
丹石真氣既脫藥氣陰發致煩渴引水飲食倍常陰氣
常興不交精出故中焦虛熱注於下焦三消之中最為
難治

薺芩

石膏

各三兩

人參

去蘆

茯苓

去木

栝樓根

磁石

煨淬

知母

去毛

乾葛

黃芩

去心

甘草

各二兩

右剉散每服用水三盞腰子一箇去脂膜黑豆一合

煮至一盞半去腰子黑豆入藥四錢煎至七分去滓
食后服下焦熱則夜間服渴止勿服次投補藥

黃連猪肚圓治強中消渴服瓜萋散薺芩湯後便可服
此亦能補養

猪肚

一救治
如食法

黃連

去蘆

小麥

炒各
五兩

天花粉

茯苓

去木各
四兩

麥門冬

去心
二兩

右五味為末內猪肚中縫塞安甑中蒸之極爛木白
小杵可圓如梧桐子大每服七十圓米飲送下隨意

服之如不能圓入少煉蜜

罌粟湯治腎渴解五石毒

罌粟子

右煮稀粥入蜜飲之

加減三黃圓治丹石毒及熱渴以意測度須大實者方用

春

黃芩

四兩

大黃

三兩

黃連

四兩

夏

黃芩

六兩

大黃

一兩

黃連

七兩

秋

黃芩

六兩

大黃

二兩

黃連

三兩

冬

黃芩

三兩

大黃

四兩

黃連

二兩

右為末煉蜜圓梧桐子大每服十圓服一月病愈

甘草烏梅木瓜湯治飲酒多發積為酷熱熏蒸五臟津液枯燥血泣小便併多肌肉消鑠專嗜冷物寒漿

木瓜乾

烏梅

打破不去仁

麥蘖

炒

甘草

草果

去皮各半兩

右剉散每服四錢水盞半生薑五片煎七分不拘時服

枳椇子圓治同上

枳棋子 二兩 麝香 一錢

右為末麵糊圓梧桐子大每服三十圓空心鹽湯吞下

三神湯治同上

烏梅肉

遠志

去心甘草水煮過卻以薑汁拌炒各一兩

枳實

去穢一兩

夏加黃連五錢春秋冬不用

右剉散每服四錢水兩盞糯禾根一握煎七分去滓不拘時溫服若無糯禾根白茅根亦可如無白茅根禾稈繩代之亦可

龍鳳圓治同上

鹿茸

火燎去毛
兩酒浸炙

山藥

兔絲子

酒浸炒
各二兩

右為末煉蜜圓梧桐子大每服三十圓食前米飲下
濃煎人參湯亦可

薑連圓治消渴小便滑如油頻數者

黃連

去須

瓜蒌

連穰各
等分

右為末生地黃自然汁圓如梧子大每服五十圓食
後牛乳汁下酪湯下一日二服忌冷水猪肉或研麥

門冬自然汁為圓熟水吞下

朱砂黃連圓治心虛蘊執或因飲酒過多發為消渴

朱砂

一兩
別研

宣連

三兩

生地黃

二兩

右為末煉蜜圓如梧子大每服五十圓燈心棗湯吞下

酒蒸黃連圓治膈熱解酒毒止渴厚腸胃

方見下
痢類

通治玄兔丹治三消渴利神藥常服禁精止白濁延年

兔絲子

酒浸通軟乘濕研
焙乾取末十兩

白茯苓

去皮

乾蓮肉

各三兩

五味子

去梗酒浸
秤七兩

右為末別研山藥末六兩將所浸酒餘者添酒煮糊
為圓如梧子大每服五十圓天花粉北五味子煎湯
下溫酒鹽湯亦可脚膝無力木瓜湯下

清心蓮子飲治心中蓄熱時常煩燥因而思慮勞力憂
愁抑鬱是致小便白濁或有沙膜夜夢走泄遺瀝澀痛
便赤如血或因酒色過度上盛下虛心火炎上肺金受
尅口舌乾燥漸成消渴睡卧不安四肢倦怠男子五淋
婦人帶下赤白及病後氣不收斂陽浮於外五心煩熱

藥性溫平不冷不熱常服清心養神秘精補虛滋潤腸胃調順血氣

黃芩

去心
半兩

黃耆

去蘆
蜜炙

石蓮肉

去心

白茯苓

去皮

人參

去蘆
各七錢

麥門冬

去心

甘草

地骨皮

去骨

車前子

去沙土
五錢

右剉散每服三錢麥門冬十粒去心水一盞半煎取

八分去滓水中沉冷空腹服發熱加柴胡薄荷煎

六神湯治三消渴疾

蓮房

乾葛

枇杷葉

去毛

甘草

炙

枯樓根

綿黃耆

去蘆蜜炙
各等分

右剉散每服四錢水一盞煎七分去滓溫服小便不

利加赤茯苓

子童桑白皮湯治三消渴病或飲多利少或不飲自利
肌膚瘦削四肢倦怠常服補虛止渴利

童根桑白皮

即未多時栽者去
蘆皮曬乾不焙

白茯苓

去皮

人參

去蘆

麥門冬

去心

乾葛

乾山藥

桂心

去麤皮
各一兩

甘草

半兩
生用

右剉散水一盞半煎至七分去滓溫服

梅花湯治三消渴利神效

糯谷

旋炒作爆

桑根白皮

厚者切
細等分

右每用秤一兩許水一大碗煮取半碗渴則飲不拘時

文蛤散治渴欲飲水不止

文蛤

即五倍子
最能回津

右為末以水飲任調方寸匕不拘時服

羊乳丸治嶺南山瘴風熱毒氣入腎中變寒熱脚虛弱
滿而渴者

宣連

去鬚不拘
多少為末

生栝樓根汁

生地黄取汁

羊乳

無羊乳牛乳
人乳亦得

右以三汁搜和為丸如梧子大每服三五十九米飲
下一法濃煮小麥飲下

益元散白虎湯去桂五苓散合和大治消渴

方見中暑傷
寒傷暑類

生地黃飲子治消渴咽乾面赤煩燥

人參去蘆

生乾地黄

洗

熟乾地黄

洗

黃耆

蜜炙

天門冬

去心

麥門冬

去心

枳殼

去穰炒

石斛

去根炒

枇杷葉

去毛炒

澤瀉

甘草

炙各等分

右剉散每服三錢水一盞煎至六分去滓食後臨卧
溫服此方乃全用二黃丸甘露飲料生精補血潤燥
止渴佐以澤瀉枳殼疎導二腑使心火下行則小腑
清利肺經潤澤則大腑流暢宿熱既消其渴自止造
化精深妙無踰此

栝樓粉治大渴

右深掘大栝樓根削去麤皮寸切以水浸一日夜一
易浸五日取出爛研細絹絞汁如作粉法乾之水服
方寸一日三四服入牛乳一合服尤好

降心湯治心火上炎腎水不濟煩渴引飲氣血日消

人參

去蘆

遠志

去骨以甘草水煮過
去甘草姜汁拌炒乾

當歸

去尾

熟地黄

洗去
土蒸

白茯苓

去皮

黃耆

去蘆
蜜炙

北五味子

去
梗

甘草

微炙各
半兩

天花粉

一兩

右剉散每服三錢水一盞半棗一枚煎食前服

蠟苓丸補虛治濁止渴潤腸婦人血海冷白帶白淫白濁

黃蠟

雪白茯苓

去皮各四兩

右茯苓為末溶蠟和圓彈子大每服一圓不饑飽細嚼下棗湯亦可

辰砂妙香散治渴證小便澁數而瀝兼有油濁用燈心茯苓煎湯下方見心恙類

神效散治渴疾飲水不止

白浮石

蛤粉

蟬殼

右為末用鯽魚膽七箇調七錢服不拘時候神效

三疳圓治消渴骨蒸

宣連去鬚為末不以多少剉冬瓜肉研搗自然汁和成餅子陰乾再為末再用汁浸和如是七次即用冬瓜汁為圓如梧桐子大每服三四十圓以冬瓜汁煎大麥仁湯送下尋常渴止一服

浮萍圓治消渴虛熱者大佳

乾浮萍

栝樓根 等分

右為末以人乳汁和圓每服二十圓空腹米飲下日
三服三年病者三日可又白芷末水調服止

又方

鉛丹 二兩

附子 一兩

乾葛

栝樓根 各三兩

右為末煉蜜圓每服十圓米飲下日三服渴則服之
治日飲水至一石者春夏去附子

白朮散治胃虛發渴

白朮 一兩

人參 去蘆

白茯苓

甘草 各半兩

右為末每服七錢水一盞半煎至七分服凡渴之後多有腫疾仍預服復元丹數服

參耆湯治消渴

人參 去蘆

桔梗 去蘆

天花粉

甘草 各一兩

綿黃耆

鹽湯浸炙

白芍藥

各二兩

白茯苓

去皮

北五味

各一兩半

右剉散每服四大錢水盞半煎八分日進四服合滓煎

雞蘓圓治病後虛羸發渴

右雞蘓圓以壯五味煎湯吞下仍服安腎圓

方見失血虛損類

麵餅圓治消渴

蜜陀僧

二兩別研極細

川黃連

一兩為細末

右用蒸餅圓如梧子大每服五圓煎蠶空茄根湯下
臨卧服次日加至五十圓以後每日五圓至三十圓
止服藥後以見水惡心為度即住服不過五六服必
效若覺惡心但每日食乾物壓之旬日後自定奇甚
奇甚蠶空是出蠶蛾子空蠶殼

忍冬圓治渴疾愈須預防發癰疽

忍冬草

不以多少根莖花朶皆可用一名老翁鬚一名蜜啜花一名金銀花以洗淨用之

右以米麴酒於瓶內浸以糠火煨一宿取出曬乾入甘草少許為末即以所浸酒為糊圓如梧子大每服五十圓至百圓酒飲任下不拘時候此藥不特治癰亦能止渴並五痔諸漏

牡蠣散治不渴而小便失利以牡蠣末取患人小便煎服單方治渴

糯稻稈灰取中一尺燒淋汁飲或不燒便煎服亦妙
或生牛乳細呷或生蘿蔔搗取汁時飲少許

蠶絲湯治渴神效

煮蠶繅絲湯任意飲之頓效如非時以絲或綿煎湯服
然蟲方治消渴有蟲

苦楝根取新白皮一握切焙入麝少許水二碗煎至
一碗空心飲之雖困頓不妨自後下虫三四條狀如
虬虫其色真紅而渴頓止乃知消渴一證有蟲耗其

津液

凡消渴大忌飲酒房事食油麵煎炙糟藏鹹物及一切
熱物百日以上不可鍼灸鍼灸則生瘡膿或成癰疽
膿水不止則死

漩濁

心濁瑞蓮圓治思慮傷心便下赤濁

白茯苓

去皮

石蓮肉

炒去心

龍骨

生用

天門冬

洗去心

遠志

洗去心甘草煮

柏子仁

炒別研

紫石英

火煨七次研令極細

當歸

去蘆酒浸

酸棗仁

炒去殼

龍齒

已上一各一兩

乳香

半兩別研

右為末煉蜜圓梧桐子大朱砂為衣每服七十丸空心溫酒棗湯任下

加味清心飲治心中客熱煩躁赤濁肥脂

石蓮肉

白茯苓

各一兩

益智仁

麥門冬

遠志

水浸取肉薑製炒

人參

各半兩

石菖蒲

車前子

白朮

澤瀉

甘草

微炙各二分

右剉散每服三錢燈心二十莖煎服有熱加薄荷少許

寧志膏治心臟虧虛神志不守恐怖赤濁常多恍惚易
於健忘睡卧不寧夢涉危險一切心疾並皆治之

人參

去蘆

酸棗仁

微炒去皮各一兩

辰砂

研細水飛半兩

乳香

七分以乳鉢坐水盆中研

右為末煉蜜圓如彈子大每服一圓溫酒化下棗湯
亦可空心臨卧服

十四友圓補諸虛不足益血收斂心氣治怔忡不寧精
神昏倦睡卧不安赤白濁甚

柏子仁

別研遠志

去心

酸棗仁

去殼炒香

紫石英

明亮者

熟乾地黄

洗

川當歸

洗淨去尾蘆

白茯苓

去皮

茯神

去皮

人參

去蘆

黃耆

蜜炙去蘆

阿膠

蚌粉炒

肉桂

不見火已上各一兩

龍齒

一兩半

辰砂

半兩別研

右為末煉蜜圓如梧子大每服三四十圓棗湯食後

臨卧吞服

香苓散治男子婦人小便赤濁諸藥不效者

五苓散

辰砂妙香散

右和勻用天門冬麥門冬去心煎湯空心調服一大錢一日三服當頓愈

桑螵蛸散治小便日數十次如稠米泔色心神恍惚憔悴食減以女勞得之服此不終劑而愈乃主安神魂定心志

菖蒲

鹽炒

龍骨

人參

去蘆

茯神

去木

當歸

去尾

鱉甲

醋炙

右等分為末每服二錢夜卧人參湯調服

蠟苓圓治同上 方見消渴類

遠志圓治小便赤濁如神

遠志

去心用甘草煮半斤

茯神

去木

益智仁

各二兩

右為末酒糊圓每服五十圓臨卧棗湯下

心腎圓治水火不既濟心下怔忡夜多盜汗便赤夢遺

牛膝

去苗酒浸

熟地黄

洗蒸

茯苓

酒浸各二兩

鹿茸

火去毛酒潤炙

附子

炮去皮臍

五味子

去枝

人參

去蘆

黃耆

蜜炙去蘆

遠志

去心甘草水煮薑汁炒

白茯神

去木

山藥

炒

當歸

去蘆尾
酒浸

龍骨

煨各
一兩

兔絲子

酒浸研成
餅三兩

右為末浸藥酒煮糊圓如梧子大每服七十圓棗湯

下

腎濁秘精圓治元氣不固遺精夢泄

大附子

炮去
皮濟

龍骨

煨通
赤

肉蓯蓉

酒浸
一夕

牛膝

酒浸一
宿焙

巴戟

去心各
一兩

右末煉蜜圓如梧子大每服三十圓鹽酒鹽湯空心下

震靈丹治腎經虛憊漏濁不止用二陳湯加白茯苓煎

湯送下

方見泄瀉類

鎖精圓治小便白濁

破故紙

炒

青鹽

各四兩

白茯苓

五倍子

各二兩

右為末酒糊圓空心三十圓鹽湯酒任意下

芡實圓治勞傷心腎水火不交漩白如油光彩不定漩

脚盛下凝如膏糊頻數無度又治遺泄不禁之疾

方見虛損類

固精圓治下虛胞寒小便白濁或如米泔或若凝脂腰

重少力

牡礪煨

兔絲子

酒蒸焙乾

韭子炒

龍骨

五味子

白茯苓

去皮

桑螵蛸

酒浸炙

白石脂

各等分

右為末酒糊圓如梧子大每服七十圓空心鹽湯送下

地黄圓治心腎水火不濟或因酒色遂至已甚謂之土

淫蓋脾有虛熱而腎不足故土邪干水先賢常言夏則

土燥而水濁冬則土堅而水清此其理也醫者往往峻

補其疾反甚此方中和補瀉兼之水火既濟而土自堅

其流清矣

熟地黄

九蒸十兩

兔絲子

洗酒浸蒸

鹿角霜

各五兩

茯苓

柏子仁

各三兩

附子

一兩

右為末鹿角膠煮糊圓如梧子大每服百十圓鹽酒下
四精圓治濁渴

鹿茸

肉蓯蓉

山藥

茯苓

各等分

右為末米糊圓如梧子大每服三十圓棗湯下

或加沉香

木香

蒜圓治濁

杜仲

川烏

破故紙

人參

巴戟

各等分

右為末蒜膏圓如梧子大每服三十圓鹽湯溫酒任下

入藥靈砂圓治諸虛白濁耳鳴大效

當歸

酒洗

鹿茸

去毛鹽酒炙

黃耆

鹽水炙

沉香

銹

北五味

炒

遠志肉

酸棗仁

炒

吳茱萸

去枝

茴香

炒

破故紙

炒

牡蠣

煨

熟地黄

蒸

人參

去蘆

龍骨

煨

附子

炮

巴戟

各一兩淨

靈砂

二兩
研

右各煨製如法為末酒糊圓每服五十粒至七十粒
空心溫酒鹽湯任下

小兔絲子圓治腎氣虛損五勞七傷小腹拘急四肢酸
疼面色黧黑唇口乾燥目暗耳鳴心忪短氣夜夢驚恐
精神困憊喜怒無常悲憂不樂飲食無味舉動乏力心
腹脹滿脚膝痿緩小便滑數房室不舉股內濕痒水道
澁痛小便出血時有遺瀝並宜服之久服填骨髓續絕

傷補五臟去萬病明視聽益顏色輕身延年聰耳明目

石蓮肉 二兩

兔絲子

酒浸焙研
為末五兩

白茯苓

焙一兩

山藥

二兩七錢
半打糊

右為末山藥糊搜和為圓如梧子大每服五十圓空心

溫酒或鹽湯下如脚膝無力木瓜湯下晚食前再服

四五湯治小兒白濁

生料四君子湯

生料五積散

右和勻每服二錢燈心一握水一盞煎服

方見脾胃
傷暑類

安腎圓白圓子山藥圓治虛勞羸瘦浮臃白濁三藥夾

和每服七十圓食前煎雙和湯下

方見虛損風科通治類

茯苓蒼朮難名丹治元陽氣衰脾精不禁漏濁淋瀝腰痛力疲

蒼朮

拌去麁皮半斤米泔浸一日夜焙乾用

舶上茴香

炒

川練子

蒸去皮取肉焙乾各一兩半

川烏

炮去皮臍

破故紙

炒

白茯苓

龍骨

別研各一兩

右為末酒麴糊圓梧桐子大朱砂為衣每服五十圓

空心縮砂煎湯下粳米湯亦可

七情四七湯治小便渾濁生薑煎吞青州白圓子

方見喘急類

芡實圓治思慮傷心小便赤澁遺精白濁

方見虛損類

通治還少丹治心腎俱虛漏精白濁

山藥

炮

牛膝

酒浸焙去苗

白茯苓

山茱萸

水洗去核

舶上茴香

炒各一兩半

兔絲子

酒浸研焙

續斷

去蘆各一兩

右為末煉蜜圓如梧子大每服三十圓鹽湯下

分清飲通心氣補漏精治小便餘瀝並赤白濁

益智

川草薢

石菖蒲

鹽炒

大台烏藥

右等分剉散入鹽少許煎空心服

蠟苓圓治赤白濁

方見消渴類

玉鎖固真丹治心氣不足思慮太過腎經虛損真陽不固凝有遺瀝小便經歲白濁或淡赤或如膏夢寐精泄甚則身體拘倦骨節酸疼飲食不進面色鰲黑容枯肌瘦唇口乾燥虛煩盜汗舉動力乏多服取效

白龍骨

半斤

磁石

醋淬七次

朱砂

各一兩

牡蠣

煨

一兩

紫梢花

一兩半

家韭子

兔絲子

各二兩半

鹿茸

酒浸炙

白茯苓

川巴戟

官桂

肉蓯蓉

酒浸炙

桑螵蛸

酒浸切炙

遠志

甘草水煮取皮薑汁炒

當歸

去尾

蒼朮

切酒炒

茴香

炒

吳茱萸

炒

川楝子

炒

桑寄生

真者

沉香

不見火

木香

不見火

黃耆

去蘆

綿附子

熟炮已上各一兩

右為末煉蜜圓如梧子大每服五十圓溫酒鹽湯任下

小溫金散治心虛泛熱或觸冒暑熱凝下或赤或白或

淋澁不行時發煩鬱自汗

人參

去蘆

石蓮肉

去心

川巴戟

去心

益智仁

去殼

黃耆

去蘆

草薢

切酒浸炒

麥門冬

去心

赤茯苓

去皮

甘草

各等分

右為散每服三錢水一盞半燈心二十莖紅棗二枚煎食前溫服以後藥相兼

子午圓治心腎俱虛夢寐驚悸體常自汗煩悶短氣悲憂不樂消渴引飲漩下赤白停疑濁甚四體無力眼昏

形容瘦悴耳鳴頭暈惡風怯冷

榧子

去殼
二兩

蓮肉

去心

枸杞子

白龍骨

川巴戟

去心

破故紙

炒

真琥珀

另研

芡實

苦楮實

去殼

白礬

枯

赤茯苓

去皮

白茯苓

去皮

文蛤

蓮花鬚

鹽蒸

白牡蠣

煨各
一兩

右為末酒蒸肉蓯蓉一斤二兩爛研為圓梧桐子大
朱砂一兩半重細研為圓濃煎葶藶湯空心吞下忌
勞力房事專心服餌渴止濁清自有奇效

漩多

丹方五子圓治小便夜多脚弱老人虛人多有此證令
人卒死大能耗人精液頭昏

兔絲子

酒蒸

家韭子

畧炒

益智子

去皮

茴香子

炒

蛇床子

去皮
殼炒

右等分為末酒糊圓如梧子大每服五七十圓糯米
飲鹽湯任下

又方治夜多小便

右取純糯米糍一片臨卧炙令軟熟啖之仍以溫酒下不飲酒湯下多啖愈佳行坐良久待心間空便睡一夜十餘行者當夜便止

又方

右用茴香不以多少淘淨入少鹽炒為末如前炙糯米糍嚙或用豬猪胞盛以糯米煮爛或入椒鹽少許同煮去糯米只用胞切片蘸藥或更飲好酒半杯臨晚臨卧各一服尤妙

兔絲子圓治小便多或不禁

兔絲子

酒蒸二兩

桑螵蛸

酒炙半兩

牡礪

煨取粉一兩

肉蓯蓉

酒潤二兩

附子

炮去皮臍

五味子

各一兩

雞肫胗

半兩微炙

鹿茸

酒炙一兩

右為末酒糊圓如梧子大每服七十圓食前鹽酒任下一方加巴戟去心破故紙微炒赤石脂煨草薺各一兩

橘皮煎圓治小便利數每服三十圓溫酒鹽湯下

方見虛損類

草薺圓治小便頻數日夜無時

右用川草薺洗不拘多少為末酒糊圓如梧子大每服七十圓空心食前鹽酒鹽湯任下

縮泉圓治脬氣不足小便頻數

天台烏藥

益智仁 各等分

右為末酒煮山藥末糊圓如梧子大每服七十圓臨卧鹽酒吞下

遺溺

家韭子圓治沙長道溺及男子虛劇陽氣衰敗小便白

濁夜夢泄精此藥補養元氣進美飲食

家韭子

六兩炒

鹿茸

四兩酥炙

茯苓

酒浸

牛膝

酒浸

熟地黄

當歸

各二兩

兔絲子

酒浸

巴戟

去心各一兩半

杜仲

炒

石斛

去苗

桂心

乾薑

各一兩

右為末酒糊圓梧桐子大每服五十圓加至百圓空心食前鹽湯溫酒任下小兒遺尿者多因胞寒亦稟受陽氣不足故也別作一樣小圓服

雞內金散治溺床失禁

右以雞肫脰一具並腸淨洗燒為灰男用雌女用雄者研細每服方寸匕酒飲調服

又方用猪胞洗淨鍊鏟上炙香熟嚼細溫酒下

固元丹治內虛裏寒自汗時出小便不禁

白龍骨

三兩

訶子

十箇
去核

縮砂

一兩
去皮

右為末糯米粥圓梧桐子大每服五十圓空心鹽酒下桑螵蛸散治小便日數十次如稠米泔色心神恍惚瘦悴食減以女勞得之

桑螵蛸

鹽水炙

遠志

去心

菖蒲

鹽炒

龍骨

人參

茯神

當歸

鱉甲

醋炙

右各等分為末每服二錢夜卧人參湯調下

補脬飲治婦人產後傷動胞破終日不能小便但漏濕不乾

黃絲絹

生者一尺剪碎

白牡丹根皮末

干葉者

白芨末

一錢

右用水一碗煎至絹爛如餳空心頓服服時不得作

聲作聲不效

遺精

桑螵蛸圓治下焦虛冷精滑不固遺瀝不斷

附子

去皮尖

五味子

龍骨

各半兩

桑螵蛸

七箇切炒

右為末純糯米糊圓每服三十圓空心鹽酒吞下

仙方固真丹專治精洩不禁

禹餘糧

石中黃

赤石脂

紫石英

石燕子

五件各一兩炭火煨通紅米醋三升淬乾為度

右以白茯苓四兩人參二兩青鹽一兩同為末入無灰酒約量多少打糊拌和衆藥為圓以朱砂為衣如小指頭大每服二圓至三圓溫酒或鹽湯下空心臨卧服

固陽丹治脫精泄不禁

桑螵蛸

三兩瓦上焙燥

龍骨

別研

白茯苓

各一兩

右末糊圓如梧子大每服七十圓煎茯苓鹽湯食前服辰砂妙香散治夢中遺精每服一匕虛者溫酒調熱者

麥門冬去心濃煎湯調方見心恙類

三仙圓治夢泄

益智仁

二兩用鹽二兩炒去鹽

烏藥

一兩半炒

右為末用山藥一兩為糊圓如梧子大每服五十圓
空心臨卧鹽湯下以朱砂為衣凡病精泄不禁自汗
頭眩虛極或寒或熱用補瀝之藥不效其脈浮軟而
散蓋非虛也亦非房室過度此無他因有所覩心有
所慕意有所樂慾想方興不遂所欲而致斯疾既以

藥補且固不效將何治之緣心有愛則神不歸意有
想則志不寧當先和榮衛榮衛和則心安次調其脾
脾氣和則志自定心腎交媾精神內守其病自愈其
法用人參三錢當歸一錢洗焙為末作三服糯米飲
調下服畢自汗止而寒熱退頭眩未除川芎三錢人
參一錢焙為末作三服沸湯調服頭眩遂差精不禁
者用白芍藥半兩丁香三錢木香三錢剉散每服用
生薑五片棗二枚煎空心服即心安神定精固神悅

清心圓治經絡熱而夢泄心怔忡恍惚

大拍皮

一兩
去拍皮

右為末入腦子一錢同研煉蜜圓如梧子大每服十五圓至十九圓濃煎去心麥門冬湯下

猪苓圓治年壯氣盛情慾動中所願不得意淫於外致夢遺白濁

半夏

一兩

猪苓

二兩

右用半夏剉如豆大用猪苓為末先將一半炒半夏

黃色不令焦地上出火毒半日取半夏為末糊圓如
梧子大候乾更用猪苓末炒微裂入不油沙瓶中養
之每服四十圓空心溫酒鹽湯送下如常服於申未
間冷酒下

理脾圓治遺泄尋常只治心腎緣脾虛亦有此疾

厚朴

去粗皮切生薑
自然汁拌炒

羊脛炭

又名火炭火燉通
紅別研如粉一兩

右為末水麵糊為圓如梧子大每服百十圓米湯下

失血

風證桂枝栝樓根湯治傷風汗下不解鬱于經絡隨氣湧泄衄出清血或清道閉流入胃管出清血遇寒咳之色必瘀黑者

桂心

白芍藥

甘草

川芎

栝樓根

右等分剉散每服四大錢水一盞半薑三片棗一枚煎服頭痛加石膏

胃風湯治大人小兒風冷乘虛入客腸胃水穀不化泄

瀉注下及腸胃濕毒下如豆汁或下瘀血日夜無度

見方

泄瀉類

寒證麻黃升麻湯治傷寒發熱解利不行血隨氣壅世謂失汗者

麻黃

去節

升麻

一兩一分

黃芩

芍藥

甘草

石膏

煨

茯苓

各一兩

右剉散每服四大錢水一盞生薑三片煎熱服微汗解

犀角地黄湯治傷寒及濕病應發汗而不汗內蓄為瘀

血及鼻衄吐血不盡餘血停留致面黃大便黑

犀角

一兩

生地黃

八兩

芍藥

三兩

牡丹皮

二兩

右挫散水煎狂者加大黃二兩黃芩三兩其人脈大來遲腹不滿自言滿為無熱不須加也

小柴胡湯治同上

方見傷寒

暑證五苓散治伏暑飲熱暑氣流入經絡壅溢發衄或胃氣虛血滲入胃停留不散吐出一二升許治衄則以茅花煎湯調下屢用得效

柑杷葉散治同上

方並見傷暑類

濕證除濕湯治冒雨著濕鬱于經絡血溢作衄或脾不和濕著經絡流入胃吐血

茯苓

乾薑

各二兩

甘草

炙

白朮

各一兩

右判散每服四大錢水煎服頭疼加川芎二錢最止浴室發衄

七情木香勻氣散治氣逆嘔血衄血用側柏葉白茅花煎湯下

方見諸氣類

藶合香圓治因氣作衄或吐嘔血濃煎白茅花湯化

方中氣類

氣衄散治氣鬱發衄無比神方

黃耆

六錢

赤茯苓

白芍藥

各三錢

當歸

生乾地黄

阿膠

炙各三錢

右為末煎黃耆湯調下為剉散煎亦可

歸脾湯治思慮傷脾心多健忘為脾不能統攝心血以致妄行或吐血下血

白朮

茯神

黃耆

酸棗仁

炒去殼

龍眼肉

各一兩

人參

木香

各半兩

甘草

二錢半

右判散每服水一盞薑五片裹一枚煎不拘時候溫服

天門冬湯治思慮傷心吐衄不止

遠志

去心甘草水煮

白芍藥

天門冬

去心

藕節

麥門冬

去心

黃耆

去蘆

阿膠

蚌粉炒

沒藥

當歸

去蘆

生地黄

各一兩

人參

甘草

各半兩

右判散每服四錢水一盞半生薑五片煎不拘時服

虛證加味理中湯治飲食過度傷胃不化致嘔吐其色

鮮紅或心腹絞痛自汗名曰傷胃嘔血

人參

乾薑炮

白朮各一兩

乾葛

甘草各半兩

右剉散每服三錢水一大盞煎不拘時候溫服去乾葛加川芎治鼻衄理中脘分利陰陽安定血脈

又方治暴吐血桂末二錢水湯各半盞調猛喫甚者只兩服效

養榮湯治吐血自汗大效

方見瘡冷類

加味四物湯治咯血用毛頭白紙燒灰入麝香煎調二

錢服之如神

方見婦人崩漏類四君子湯二錢加蒲黃藕節灰少許人乳汁調服效

熱證大薊散治飲啖辛熱熱邪傷肺嘔吐出血一合或半升許名曰肺疽

大薊根

洗

犀角

鎊

升麻

桑白皮

炙

蒲黃

炒

杏仁

去皮尖

桔梗

去蘆炒各一兩

甘草

半兩

右挫散每服四錢水一盞半生薑五片煎不拘時溫服

犀角地黄湯治同上

方見前

茜根散治鼻衄終日不止心神煩悶

茜根

黃芩

阿膠蚌粉炒側柏葉

生地黄

各一兩

甘草

半兩

右剉散每服四錢水一盞半生薑三片煎不拘時溫服

萬金散治咯血

右用槐花不以多少為末每服二錢食后熱酒調服

龍腦雞蘇圓治肺熱咳嗽鼻衄吐血血崩下血血淋熱

淋勞淋氣淋止渴除驚涼上壅解酒毒口臭喉腥口甜

口苦

柴胡

二兩 劉同木通以沸湯大半升浸一二宿絞取汁後取膏

麥門冬

去心四兩

黃耆

一兩

阿膠

炒二兩

生乾地黄末

六兩 後入膏

蒲黃

二兩

雞蘇

淨葉一斤

甘草

一兩半

人參

二兩

木通

劉二兩 同柴胡浸

右除別研藥後入外為末用好蜜二斤先煉一二沸然後入生乾地黄末不住手攪時時入柴胡木通汁慢慢熬成膏勿令焦同餘藥和為圓如蠶豆大每服

二十圓以去心麥門冬煎湯食後臨卧服血崩下血
諸淋疾並空心食前服

三黃圓治肛門腫痛或下鮮血

黃連

去鬚

黃芩

大黃

各十兩

右為末煉蜜圓如梧子大每服四十圓熟水吞下

白朮散治積熱吐血咳血若因飲食過度負重傷胃而
吐血者最宜服之忌食熱麵煎燂一切發風之物

白朮

二兩

人參

白茯苓

黃耆

蜜炙
各一兩

山藥

百合

去心
三分

甘草

半兩

前胡

去蘆

柴胡

去蘆
各一分

右挫散每服三錢水一盞生薑三片棗一枚煎溫服

勞傷雞蘇散治勞傷肺經唾內有血咽喉不利

雞蘇葉

黃耆

去蘆

生地黄

洗

阿膠

蛤粉炒

白茅根

各一兩

桔梗

去蘆

麥門冬

去心

蒲黃

炒

貝母

去心

甘草

各半兩

桑白皮

半兩

右挫散每服四錢生薑三片水一盞半棗一枚煎溫服

蓮心散治勞心吐血

右以蓮子心五十箇糯米五十粒為末酒調服效

大阿膠圓治肺虛客熱咳嗽咽乾多唾涎沫或有鮮血並勞傷肺胃吐血嘔血並宜服之

麥門冬

去心半兩

乾山藥

熟乾地黄

五味子

各一兩

遠志

去心一分

丹參

貝母

炒

防風

去蘆各一兩

阿膠

炒一兩

茯苓

去木

柏子仁

百部根

杜仲

炒各半兩

茯苓

一兩

人參

一分

右為末煉蜜圓如彈子大水一盞煎六分服
傷損奪命散治金瘡打損及從高墜下木石所壓內損
瘀血心腹疼痛大小便不通氣絕欲死

紅蛭

用石火慢火炒
令焦黃色半兩

大黃

黑牽牛

各二兩

右為末每服三錢熱酒調下如人行四五里再用熱
酒調牽牛末二錢催之須臾轉下惡血塊或片血
盡愈

花蕊石散治一切金瘡打撲傷損猫犬咬傷並於傷處

摻傳或內損血入臟腑壅溢作衄及婦人產後敗血不散

花蕊石

研細一斤

上色硫黃

研細四兩

右和勻入藏瓶中以紙筋搗黃泥固濟候乾焙令熟透以磚盛用白炭一秤頂上發火燒炭盡候冷取出再研極細諸臟傷及婦人產後瘀血不行並用童子小便溫酒一二錢匕取瘀血效

雞鳴散治從高墜下及木石所壓凡是傷損血瘀凝積

氣絕欲死並久積瘀血煩燥疼痛叫呼不得並以此藥利去瘀血即愈推陳致新折傷神效

大黃

一兩酒蒸

杏仁

三七粒去皮尖

右研細用酒一碗煎至六分捌去滓雞鳴時服次日取下瘀血即愈若便覺氣絕取藥不及急擘開口以熱小便灌之

當歸川芎湯治打撲傷損敗血流入胃脘嘔吐黑血或如豆羹汁

川芎

當歸

白芍藥

百合

水浸
半日

荆芥穗 各等分

右剉散每服四錢水一盞酒半盞同煎不拘時服

茯苓補心湯治心氣虛耗不能藏血以致面色黃瘁五

心煩熱咳嗽唾血及婦人懷娠惡阻嘔吐亦宜服之

白茯苓 去皮 人參 去蘆

前胡 去蘆

半夏

川芎 各三分 陳皮

枳殼 去穰

紫蘇

桔梗 去蘆

甘草

乾葛 各半兩 當歸 一兩
三錢

白芍藥

二兩

熟地黄

酒炒
一兩半

右剉散每服四錢生薑五片棗一枚煎食前服

通治立效散治吐血

側柏葉焙乾如倉卒難乾新瓦焙為末每服三錢米
飲調食後服一方柏葉加赤土拌勻煉蜜為餅子服
單方治鼻衄不止或吐血

蘿蔔搗汁入鹽服一盞立效或蘿蔔汁藕汁滴入鼻

中

麝香散治鼻衄不止

白礬

枯別研

白龍骨

粘舌者別研各半兩

麝香

別研半字

右和勻每用一字先將冷水洗淨鼻內血涕然後吹

藥於鼻中或以濕紙蘸藥於鼻內尤妙

黑神散治大吐血及傷酒食飽低頭搗損吐血至多並
血妄行口鼻中俱出但聲未失無有不效

百草霜

村中燒草鍋底煤最妙

不拘多少羅細為末每服一錢糯米飲調下鼻衄搗

一字皮破血出灸瘡出血摻上止並治舌忽然腫破
乾摻

川芎三黃散治實熱衄血

大黃

濕紙
裹蒸

川芎

黃連

淨

黃芩

等分

右為末每服二錢食後井水調服

敗毒散加桑白皮麥門冬煎吞雞蘇圓治肺熱胸中鬱

熱反惡寒治血淋吐血口臭

方見傷寒陽證類及見前

蘇子降氣湯治虛壅鼻血

方見諸氣類

衄血方

用鬱金末井水調下亦治吐血 又茆花煎湯通口

服又方血餘散用頭髮燒存性研米湯調下仍吹少

許入鼻中 曾服燒煉藥致鼻血者山梔子煎湯解

之仍燒山梔子存性為末入鼻 又方烏賊魚骨槐

花等末入鼻 又方槐花半生半炒為末入鼻 又

方成片人中白燒去穢為末入麝香少許入鼻或加

油髮灰

又方大蒜煨香取三瓣研傅脚底鼻中有蒜氣即去之
天門冬圓治吐血咯血大能潤肺止嗽

天門冬

一兩

甘草

杏仁

炒

貝母

茯苓

阿膠

各半兩

右為末煉蜜丸彈子大每一丸嚥津噙化日夜可十丸
龍骨散治鼻衄過多

右以龍骨不拘多少研為末用少許吹入鼻中凡九
竅出血皆可用一方用梔子如前法

白及散治鼻衄嘔血咯血肺損或食飽負重得者服之愈

白及

不拘多少

右為末米飲調或用井水調一匕用紙花貼鼻竅中
一方用阿膠末調貼

黃耆建中湯治汗出汚衣甚如坯染皆由大喜傷心喜
則氣散血隨氣行兼服妙香散金銀器麥子麥門冬煎
湯下病名紅汗

方見虛損心恙類

葎草汁治產婦大喜汗出汚衣赤色及膏淋尿血

葦草

不拘多少

右搗取汁二升醋二合和空腹飲一盃或煮濃汁飲
亦治淋瀝尿血

側柏散治內損吐血下血或因酒太過勞傷於內血氣
妄行其出如湧泉口鼻皆流須臾不救則死服此即安

栢葉

一兩半
蒸乾

人參

荊芥穗

燒灰
各二兩

右為末每服三錢入飛羅麵二錢拌和新汲水調如
稀糊相似啜服立效又方用百草霜川白芷研為末

每服三錢濃米飲併服

神效方治鼻衄不止

右以蒲黃血竭為末吹入鼻中

灸法虛勞吐血灸胃脘三伯壯

吐血唾血上氣欬逆灸肺腧隨年壯

吐血嘔逆灸大陵穴在掌後兩骨間是

口鼻出血不止名腦衄灸上星穴五十壯入髮際一

寸衄不止灸足大指節橫理三毛中十壯劇者伯壯

並治陰卵腫

大便秘下血熱證酒蒸黃連圓治酒毒積熱便下鮮紅或

肛門作熱

方見消渴類

槐角圓治五種腸風瀉血糞前有血名外痔糞後有血
名內痔大腸不收名脫肛穀道四面努內如豚名舉痔
頭上有孔名癰並皆治之

槐角

去枝梗炒一兩

地榆

八兩

當歸

八兩去蘆

黃芩

半斤

防風

八兩

枳殼

去穰半斤

右為末酒糊圓如梧子大每服五十圓不拘時米飲下
人參敗毒散治同上每服三錢生姜三片薄荷葉七皮
桑白皮七寸烏梅一箇煎方見傷寒陽證類
防風散治因食熱物過度風氣蓄盛銷鑠大腸膏脂以
致榮衛之血滲流而下此方獨效

羌活

荊芥

防風

枳殼

姜蠶

炒去絲

薄荷各等分

右剉散白水煎空心溫服忌再喫熱物

黃連阿膠圓治同上米飲下

方見咳嗽類

加減四物湯治腸風下血不止

側柏葉

生地黄

當歸

酒浸

川芎

各二兩

枳殼

去白炒

荊芥穗

槐花

炒

甘草

各半兩

右剉散每服三錢生薑三片烏梅一箇煎空心服一方加防風烏梅各半兩效

虛證腸風黑散大便鮮血臍腹痛裏急後重脫肛酒痢

荊芥

二兩燒

亂髮

燒

槐花

燒

槐角

燒各一兩

枳殼

二兩燒
一兩炒

甘草

炙

蝟皮

燒

各一兩半

右將合燒藥同入甕瓶內黃泥固濟燒存三分性出
火氣同甘草枳殼一兩搗為末每服二錢白水煎空
心服溫酒調亦可

黑玉丹治丈夫婦人久新腸風痔瘻著床頭痛不可忍
者服此不過三四次見效初得此疾發痒或疼穀道周
回多生硬核此是痔如破為瘻只下血是風皆因酒色
氣風食五事過度即成此疾人多以外醫塗治病在腸

自有虫若不去根本其病不除此藥的效

刺蝟皮

四兩
剉研

猪懸蹄

二十
五箇

牛角腮

三兩
剉碎

雷丸

一兩

槐角

一兩半

敗棕

二兩
剉

亂髮

皂角水洗
淨焙二兩

脂麻

一兩

苦楝根皮

一兩二
錢半

右剉碎入甕罐內燒存性碾為末入麝香二錢乳香

五錢研令和勻用酒打麵糊為丸如梧子大每服八

粒先細嚼胡桃一枚空心晚食前溫酒吞日二服病

甚日三服切忌別藥不過三兩日可除根本

加味雙和湯加側柏葉每服三皮炒過生薑三片棗二枚烏梅一箇煎空心服

方見虛損類治同上

卷柏散治臟毒下血神效

卷柏

生土石塋上高四五寸根黃如絲莖細上有黃點子止以拍枝曝乾用

黃耆

右等分為末每服二錢米飲調下

聖金圓治腸風下血溺血

百藥煎

三兩

一兩生

一兩炒焦

一兩燒存性

右為末煉蜜丸如梧子大每服五十丸空心米飲下

神丹治腸風痔漏

刺蝟皮

一箇鐵器中炒焦黑為度

皂角刺

燒存性

硫黃

研

猪牙皂角

去黑皮蜜塗炙

白礬

枳殼

炒

黃耆

蜜炙

附子

去皮各半兩

白雞冠花子

一兩

右為末酒糊丸如梧桐子大每服七丸至十丸空心食前溫酒下不飲米飲下久年漏痔服至三四十丸肉滿平安諸痔服之即自消外痔用藥十丸同朱砂細研蜜調塗常服永除根本若服藥覺熱加白雞冠

花子一兩半或二兩更加三五丸服之臟腑自調

小烏沉湯

香附子

拌去皮毛
焙二兩

天台烏藥

去心
一兩甘草炒
一分

右為末每服一錢空心鹽湯點服治同上

震靈丹玉葉白丹治臟腑虛損大腸不收久作腸風下
血二藥夾用每服五十丸煎不換金正氣散加川芎空

心嚙下

方並見痼冷類

理中湯治同上加木香妙

方見霍亂類

香梅圓治腸風臟毒下血

烏梅

同核燒
灰存性

香白芷

不見
火

百藥煎

燒存性
各等分

右為末米糊丸梧桐子大每服七十丸空心米飲下

斷紅圓治臟腑虛寒下血不止面色痿黃日漸羸瘦

側柏葉

炒黃

川續斷

酒浸

鹿茸

火去毛
醋煮

附子

炮去
皮臍

黃耆

阿膠

蛤粉炒

當歸

酒浸
各一兩

白礬

半兩
枯

右為末醋煮米糊丸梧子大每服七十丸空心米飲下

冷熱不調黃連香薷散

香薷

扁豆

厚朴薑製

黃連去鬚

右剉散用水煎服

香連圓治冷熱不調下血

方見泄瀉類

芎歸湯熱加茯苓槐花冷加白茯苓丁香

方見婦人科保產類即佛手散

真人養臟湯治大人小兒冷熱不調便下膿血魚腦裏

急後重

方見泄瀉類

消風散米飲調熱者吞酒蒸黃連丸冷者吞烏梅丸

方見

風科熱證通治及下痢類

通治單方治腸風下血百藥不效

山裏棗俗名鼻涕團取乾者為末米飲調立效

又方柏子十四枚撚破紗囊貯以好酒三盞煎至八分服之初服反覺加多再服立止非飲酒而致斯疾以艾葉煎湯服之神效勝如它藥

又方生豬臟一條切控乾以槐花炒乾為末填入臟內兩頭線縛了以好米醋於磁瓦器內慢火煮爛切片沙鉢內研爛為丸梧桐子大每服二十九煎當歸

酒下

又方荊芥穗縮砂仁各等分為末糯米飲下

灸法第二十椎隨年壯

又法平立一杖子比臍平却向後脊骨當中灸七壯
或年深於脊骨兩傍各一寸灸七壯余謂寸半則是
腎腧自佳

小便出血酒蒸黃連圓白茆根濃煎湯放溫吞下

方見下痢類

五苓散加辰沙一字燈心一握煎湯調下

方見傷暑類

茯苓調血湯治酒麵過度房勞後小便出血

半赤茯苓

一兩

赤芍藥

川芎

半夏麴

各半兩

前胡

柴胡

青皮

枳殼

北梗

桑白皮

白茅根

燈心

甘草

各二分半

右剉散每服三錢半姜五片蜜二匙新水煎服

薑蜜湯治小便利血不止

生薑

七片

蜜

半盞

白茅根

一握

右用水同煎服神效

鹿角膠圓治房室勞傷小便尿血

鹿角膠

半兩

沒藥

別研

油頭髮灰

各三分

右為末用白茅根汁打糊丸如梧桐子大每服五十丸鹽湯送下

髮灰散

右用自已頭髮一握洗淨燒灰溫酒調下一服立效

鏡面散治小便出血

鏡面草取清汁入蜜少許同水調服效

單方療小遺出血條

淡豆豉一撮煎湯服效

又方治小便出血

竹茹一大塊水煎服妙

又方川牛膝一兩去蘆水一碗煎至半碗頓服

又方生地黃取自然汁半升生薑自然汁半合相和服

未止再服

又方當歸川白芷為末每服二錢溫米飲下

脫肛

文蛤散治大腸寒肛門脫出不收用力過多及小兒叫呼久痢後皆使脫肛

五倍子

右為末水煎汁浸洗更入白礬蛇床子尤佳洗後用赤石脂為末以少許摻在芭蕉上頻用托入或長尺餘者以兩床相接中空一尺以甕瓶盛藥水滿架起

與床平令病者仰卧以其所脫浸在瓶中換藥逐日如此浸縮盡為度

木賊散

右用木賊一味為末摻肛上

槐花散治脫肛

槐花

槐角

右等分炒香黃為末用羊血蘸藥炙熟食之以酒送下或以猪膏去皮蘸藥炙服

釣腸圓治同上

方見諸痔類

蝟皮散治肛門或因洞泄或因用力太過脫出不收

蝟皮

一箇燒存性

磁石

煨碎

桂心

各半兩

右為末每服二錢米飲空心調下治女人陰脫加鰾

頭一枚燒灰研入

香荊散治肛門脫出大人小兒悉皆治之

香附子

一兩半炒去毛

荊芥穗

二兩

右為末每服三匙水一大碗煎熟淋洗

灸法治寒冷脫肛出灸臍中隨年壯

脫肛歷年不愈灸橫骨百壯又灸脊窮骨上七壯

諸痔

冷證釣腸圓治久新諸痔肛邊腫痛或生瘡痒時有濃

血

栝樓

二箇
燒存性

蛻皮

兩箇剉碎
燒存性

白礬

煨

綠礬

枯

胡桃仁

十五箇不油者
罐內燒存性

白附子

生用

半夏

天南星

雞冠花

五兩
剉炒

枳殼

炒

附子

去皮臍

訶子

去核
各二兩

右為末醋麵糊丸如梧子大每服二十九空心臨卧
溫酒下遠年不差者服十日見效久服除根

黑玉丹治同上

方見失血類

橘皮湯治氣痔

橘皮

枳殼

炒

川芎

槐花

炒各
半兩

檳榔

木香

桃仁

浸去皮
炒

紫蘗莖葉

香附子

甘草

各二分半

右剉散每服三錢水一盞半生薑三片紅棗二枚煎服
立效圓

百藥煎研為末每服三錢煮稀白粥攪勻服之立愈
糊丸米飲下亦可

黑圓子專治久年痔漏下血用之屢驗

乾薑

百草霜 各一兩 木饅頭 二兩 烏梅

敗棕

柏葉 亂髮 各五分

右各燒灰存性再入桂心三錢白芷五錢同為末醋

糊丸梧桐子大空心三十丸米飲下

熱證逐瘀湯通利大小便取下黑物

川芎

白芷

生乾地黄

赤芍藥

五靈脂

枳殼

製

阿膠

炒

蓬莪朮

煨

茯苓

茯神

大木通

生甘草

各一分

實大黃

桃仁

湯去皮焙各一分半

右剉散每服三錢井水一碗生薑三片蜜三匙煎服

以利為度瘀血作痛通用

白玉丹治久年腸痔下血服藥不效者

寒水石

不以多少

右煨紅研細水飛再入銀窩中煨紅用糯米糊丸梧
桐子大每服五六十圓陳米飲下只一服

黃連阿膠圓解熱調血枳殼散送下

方見泄瀉及
婦人護胎類

槐角圓治腸風痔瘡内生虫裏急下膿血止痒痛消腫
聚祛濕毒服之除根

方見前

乾葛湯專治酒痢

白乾葛

枳殼炒

半夏

茯苓

生乾地黃 杏仁

各半兩

黃芩

甘草

炙各一分

右剉散每服三錢黑豆百粒薑五片白梅一箇煎服

寬腸圓五灰膏塗痔瘡之後或臟腑秘結不通者用此藥

寬腸五灰膏

方見后

黃連

枳殼

各等分

右為末麵糊丸如梧子大每服五十丸空心米飲下

通治秘方治諸痔捷效

右用白礬信石各少許於新瓦上煨過為末再入朱砂末少許以新汲井水調成膏用舊金紙上藥隨瘡大小貼之先用鬱金國丹末以鵝翎刷於瘡四畔圍護恐傷好肉凡上藥貴宜人肉理嬌脆薄少用之愚俗人肉理麤厚稍多少許用之大抵上藥後多疼不可太過為妙仍用大青根晚蠶砂煎水洗後再上藥兼服槐角圓皂角圓臟腑結熱秘甚八正散加燈心枳殼薄荷葉煎再用大黃茶莽草荊芥穗防風煎水

洗效

八正散方
見積熱類

又方用川白芷煮白朮作線快手緊緊痔上微疼不妨其痔自然乾癢而落七日後安

五灰膏治臟腑一切蘊毒發為痔瘡不問遠年近日形似雞冠蓮花核桃牛乳或內或外並皆治之

蕎麥

灰七升

荆柴


薊柴

山白竹

老杉枝

右以四件柴竹截作一尺許長以斧劈破成片各取

一束曬乾於火上燒過置壘內為炭防為風所化俟
燒盡却以水於鍋內煮出炭汁又用酒漏以布帛實
其竅而置蕎麥灰於酒漏內以所煮炭汁淋之然後
取汁於鍋內慢火熬汁約取一小碗候冷入石灰國
丹調和成膏以瓦瓶貯之上用石灰傅面不令走氣
臨用却去石灰以冷水調開令病者以水洗淨痔瘡
仰卧搭起一足先以濕紙於瘡四圍貼護却用收效
必矣



世醫得效方卷七